



Vischnaunca da Sagogn

Structuras dil di complementar as alla scola Reglament da menaschi e tariffas

NUS SUSTENIN IGL EMPRENDER...

...cul t'gau



patertgar

...cul cor



sentir

...cul maun



lurrar

1. Introducziun

Definiziun Sebasond sin art. 27 dalla lescha cantunala da scola dils 21 da mars 2012 relai la suprastonza communal il suadont reglament da menaschi per las structuradas dil di dalla scola da Sagogn. Las structuradas dil di cumpeglian la meisa da miezdi e la canorta (dalla scoletta tochen la 6avla classa) dallas 7.30 uras entochen las 18.00 uras, ordeifer il temps da bloc.

2. Disposiziuns generalas

Principis Las structuradas dil di ein in complement all'instrucziun da temps da bloc. Ei setracta d'ina purschida voluntara che sa vegnir tratga a nez regularmein tenor annunzia singuls ni plirs dis ad jamna. En convegnoientscha cun la direcziun cumpetenta per las structuradas dil di sa la purschida era vegnir nezegiada mo temporarmein per motivs professionals ni familiars.

3. Temps da menaschi

Scleariment dils basegns Las structuradas dil di ein aviartas duront las jamnas da scola. Duront las vacanzas da scola e dis senza instrucziun ein las structuradas dil di serradas. Il temps da menaschi sedrezza tenor la necessitad da tgira dils affons e las pussevliadads dil menaschi. Il zercladur vegn la purschida dallas structuradas dil di efectiva (unitads dallas structuradas dil di; uost-december, schaner-vacanzas da primavera, vacanzas da primavera-finiziun digl onn da scola) publicada sin la pagina d'internet dalla vischnaunca ed ella pressa locala.

4. Annunzia

Annunzia Per las structuradas dil di complementaradas alla scola san ins s'annunziar annualmein cun in formular respectiv.

Ils affons survegnan il formular ensemen cun igl urari per posta ni dalla scolasta/dil scolast da classa.

Il formular cumpletau ston ils responsabels d'educaziun inoltrar il pli tard ils 31 da fenadur ni il pli tard 2 jamnas avon l'entschatta d'ina unitad terziara dallas structuradas dil di.

Segirada Las purschidas dallas structuradas dil di complementaradas ein ina part dil menaschi da scola ed aschia ella responsablidad dils purtaders dalla scola. Perquei valan arisguard las segiradas las prescripziuns tenor art. 52 dalla lescha da scola.

Malsogna En cass da malsogna astgan ils affons buca participar alla purschida da tgira. Igl ei d'informar gia ordavon la direcziun cumpetenta per las structuradas dil di.

Medicaments Cun s'annunziar sto la direcziun cumpetenta per las structuradas dil di vegnir informada davart particularitads, allergias sco era davart medicaments ni ulteriuras mesiras da sustegn medicinalas. Medicaments persunals ston vegnir consignai als responsabels ensemen cun las instrucziuns correspudentas.

Termin da visada In'annunzia en scret vala sco ligionta ed ils geniturs/responsabels d'educaziun ein obligai da surprender ils cuosts. Per regla vala l'annunzia mintgamai per l'unitad dallas structuradas dil di annunziada. En cass da motivs giustificai sa la purschida da tgira vegnir visada en scret tier la direcziun da scola risguardond in termin da 4 jamnas.

Mesiras disciplinaras/
exclusiun En situaziuns difficilas enqueran la direcziun cumpetenta per las structuradas dil di e la scolasta/il scolast da classa en collavuraziun cun ils geniturs ed ils responsabels d'educaziun soluziuns pussevlas. In affon vegn exclus sin damonda dalla direcziun cumpetenta per las structuradas dil di entras il cussegl da scola.

5. Structuras dil di

Liug	La tgira ed alimentaziun vegn purschida da personas privatas, d'instituziuns ni sin igl areal da scola. Il liug vegn organisaus e publicaus mintg'onn da niev tut tenor ils basegns (veser punct 3).
Absenzas	Absenzas planisablas (vacanzas, eav.) ston vegnir annunziadas il pli tard il di avon tochen las 13.30 uras. Absenzas spontanias (accidents, malsogna, eav.) ston vegnir annunziadas aunc quei di tochen il pli tard las 10.00 uras medemamein tier la persuna da tgira da quei di.
Gentar	Ei vegn purschiu in menu unitar. Affons cun in nutriment special (p.ex. negina carn piertg, alimentaziun vegetara, eav.) survegnan in menu da remplazzament equivalent.

6. Tariffas

Tariffa da tgira	Ils cuosts per las unitads da tgira ein veseivels ella tabella da tariffas per ils responsabels d'educaziun.
Tariffas	Il Cantun e la vischnaunca separticipeschon proporziunalmein als cuosts per la tgira. Il quen vegnan quintaus giu en unitads da tgira. Tenor art. 14 dall'ordinaziun davart structuras dil di complementarar dils 19 da mars 2013 vegn ei desistiu d'adattar las tariffas alla capacita finanziaia dils responsabels d'educaziun.

UT	scoletta		scola primara		cuosts
	dallas	tochen	dallas	tochen	
P	07.30	07.55	07.30	08.00	CHF 4.00
G	11.55	13.15	11.35	13.15	CHF 12.00 incl. gentar
S1	13.15	14.15	13.15	14.00	CHF 4.00
S2	14.15	15.15	14.00	14.50	CHF 4.00
S3	15.15	16.15	14.50	15.55	CHF 4.00 incl. proviantaziun da pausa
S4	16.15	17.00	15.55	16.45	CHF 4.00
S5	17.00	18.00	16.45	18.00	CHF 4.00

Las unitads da tgira che vegnan tratgas a nez mo per part vegnan messas a quen completamein.

Termin da pagament	La facturaziun vegn fatga via la canzlia communal. En cass ch'ils geniturs ed ils responsabels d'educaziun pagan memia tard il quen, sa l'admissiun digl affon vegnir refusada.
Midadas da tariffas	La suprastanza communal da Sagogn fixescha las tariffas numnadas sura. Ella ha il dretg d'adattar las tariffas valeivlas a novas cundiziuns. Ina midada eventuala dallas tariffas vegn mintgamai fatga l'entschatta digl onn da scola e vegn publicada tier l'annunzia.

7. Reclamaziuns

Reclamaziuns	Reclamaziuns san vegnir drizzadas alla direcziun cumpetenta per las structuras dil di ni alla direcziun da scola. A damondas en connex cun il quen rispunda la canzlia communal.
--------------	--